

ՊԱՅՄԱՆԱԳԻՐ N ՀՀՀ-ՄԱԾՁԲ-20/9-Պ

ք.Երևան

03-ը փետրվարի 2020թ.

«Հայաստանի հանրային հեռուստաընկերություն» փակ բաժնետիրական ընկերությունը (այսուհետ՝ Պատվիրատու), ի դեմս գործադիր տնօրեն Մարգարիտա Գրիգորյանի, ով գործում է ընկերության Կանոնադրության հիման վրա, մի կողմից, և

Անհատ ձեռնարկատեր Մեսրոպ Մադաթյանը (այսուհետ՝ Կատարող), մյուս կողմից,

(այսուհետ յուրաքանչյուրն առանձին՝ Կողմ, միասին՝ Կողմեր),

կնքեցին սույն պայմանագիրը (այսուհետ՝ Պայմանագիր) հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ ԵՎ ԿԱՏԱՐՄԱՆ ԺԱՄԿԵՏԸ

- 1.1. Սույն Պայմանագրով Կատարողը պարտավորվում է Պատվիրատուի պատվերի հիման վրա
 - 1.1.1. Սույն Պայմանագրի Հավելված 1-ով սահմանված և Պատվիրատուին անհրաժեշտ կահույքի (այսուհետ՝ Կահույք) մասով առաջարկել դիզայներական լուծումներ՝ պատրաստելով և Պատվիրատուի հավանությանը ներկայացնելով այդպիսի դիզայներական լուծումներն արտացոլող գունավոր էքզիզներ (այսուհետ՝ Դիզայներական աշխատանք), և
 - 1.1.2. Կողմերի միջև համաձայնեցված էքզիզների հիման վրա պատրաստել և Կողմերի միջև համաձայնեցված վայրում Պատվիրատուին հանձնել պատրաստված Կահույքը (այսուհետ՝ Կահույքի պատրաստման աշխատանք),
(այսուհետ՝ Ծառայություններ), իսկ Պատվիրատուն պարտավորվում է ընդունել մատուցված Ծառայությունները և վճարել դրանց դիմաց սույն Պայմանագրով սահմանված կարգով, չափով և ժամկետում:
- 1.2. Կողմերն արձանագրում են, որ Դիզայներական աշխատանքի արդյունք էքզիզներում Պատվիրատուն Կահույքի պատրաստման աշխատանքների իրականացման համար նախատեսված բյուջեի սահմաններում իր բացարձակ հայեցողությամբ կարող է առաջարկել ցանկացած փոփոխություն: Կատարողը պարտավորվում է մեկնարկել Կահույքի պատրաստման աշխատանքների իրականացումը միմիայն իրականացված Դիզայներական աշխատանքի արդյունք գունավոր էքզիզների Պատվիրատուի հավանությանն արժանացած լինելու դեպքում: Կատարողը երաշխավորում է, որ Կահույքը պատրաստելու է բազմակի օգտագործման համար պիտանի և որակյալ նյութերով:
- 1.3. Այն դեպքում, երբ չնայած Կատարողի բոլոր ջանքերին, Պատվիրատուն հավանության չի արժանացնում Կատարողի կատարած Դիզայներական աշխատանքի արդյունք էքզիզները և անցում չի կատարվում Ծառայությունների մատուցման հաջորդ՝ Կահույքի պատրաստման աշխատանքների փուլ, Պատվիրատուն, բոլոր դեպքերում, պարտավորվում է սույն Պայմանագրով սահմանված կարգով, չափով և ժամկետում վճարել Դիզայներական աշխատանքների արժեքը:
- 1.4. Կողմերն արձանագրում են, որ Դիզայներական աշխատանքը կատարվելու և արդյունքը Պատվիրատուի հավանությանը ներկայացվելու է մինչև 2020թ.-ի փետրվարի 6-ը ներառյալ, իսկ Կահույքը՝ Կողմերի միջև համաձայնեցված էքզիզների հիման վրա պատրաստվելու և Կողմերի միջև համաձայնեցված վայրում Պատվիրատուին հանձնվելու է մինչև 2020թ.-ի մարտի 2-ը ներառյալ:
- 1.5. Կողմերը համաձայնում են, որ սույն Պայմանագրի շրջանակներում պատրաստված Կահույքը Կատարողը Պատվիրատուին կհանձնի ՀՀ, ք.Երևան, Գ.Հովսեփյան 26 հասցեում:
- 1.6. Կողմերը երաշխավորում և հավաստում են, որ իրավասու են ստորագրելու սույն Պայմանագիրը և ունեն սույն Պայմանագիրը կատարելու համար բոլոր անհրաժեշտ իրավունքները, թույլտվությունները և համաձայնությունները:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

2.1. Պատվիրատուն իրավունք ունի՝

- 2.1.1. Կատարողից պահանջել սույն Պայմանագրով նախատեսված Ծառայությունները մատուցել ամբողջությամբ, պատշաճ որակով և սահմանված ժամկետում,
- 2.1.2. Ցանկացած ժամանակ ստուգել Կատարողի կողմից մատուցվող Ծառայությունների ընթացքը և որակը՝ առանց միջամտելու Կատարողի գործունեությանը՝ պահանջելով տրամադրել Ծառայությունների մատուցման ընթացքի և որակի վերաբերյալ Պատվիրատուին հետաքրքրող տեղեկատվությունը,
- 2.1.3. Պահանջել Կատարողից աջակցել Պատվիրատուին Ծառայությունների մատուցման ընթացքը և որակը ստուգելիս, ինչպես նաև մատուցված Ծառայությունների արդյունքն ընդունելիս,
- 2.1.4. Սույն Պայմանագրով իր ակնկալած արդյունքին հասնելու նպատակով Կատարողին տալ Ծառայությունների մատուցմանը վերաբերելի ողջամիտ ցուցումներ,
- 2.1.5. Գրավոր տեղեկացմամբ միակողմանիորեն լուծել սույն Պայմանագիրը և Կատարողից պահանջել իր կրած վնասների, ներառյալ, բայց չսահմանափակվելով, խախտված իրավունքները վերականգնելու համար կատարված ծախսերի և բաց թողնված օգուտի հատուցում, եթե՝
 - i. Կատարողը խախտել է սույն Պայմանագրով Ծառայությունների համար սահմանված բնութագրերը և ողջամիտ ժամկետում իր հաշվին չի շտկել նշված թերությունները կամ խախտման բնույթից ակնհայտ է, որ այն չի կարող շտկվել ողջամիտ ժամկետում,
 - ii. Կատարողը սույն Պայմանագրով սահմանված ժամկետում չի մատուցել Ծառայությունները կամ դրանց մի մասը,
 - iii. Կատարողն այլ կերպ թույլ է տվել սույն Պայմանագրի էական խախտում:
- 2.1.6. Պահանջել Կատարողից ամբողջությամբ հատուցել Ծառայությունների մատուցման կապակցությամբ Պատվիրատուին պատճառված վնասները՝ ներառյալ բաց թողնված օգուտը:

2.2. Պատվիրատուն պարտավոր է՝

- 2.2.1. Կատարողին ապահովել սույն Պայմանագրով սահմանված Ծառայությունների մատուցման համար անհրաժեշտ բոլոր պայմաններով, այդ թվում, բայց չսահմանափակվելով, տրամադրել անհրաժեշտ տեղեկատվություն, փաստաթղթեր և այլն,
- 2.2.2. Ընդունել սույն Պայմանագրին համապատասխան մատուցված Ծառայությունները, իսկ թերություններ հայտնաբերելու դեպքերում՝ այդ մասին անհապաղ գրավոր հայտնել Կատարողին,
- 2.2.3. Վճարել Կատարողին մատուցված Ծառայությունների դիմաց սույն Պայմանագրով սահմանված չափով, կարգով և ժամկետում:

2.3. Կատարողն իրավունք ունի՝

- 2.3.1. Սույն Պայմանագրով սահմանված Ծառայությունների մատուցման նպատակով Պատվիրատուից պահանջել ապահովել սույն Պայմանագրի 2.2.1 կետով սահմանված պայմանները,
- 2.3.2. Պատվիրատուից պահանջել սույն Պայմանագրով սահմանված կարգով և ժամկետում ընդունել պատշաճ մատուցված Ծառայությունները,
- 2.3.3. Պատվիրատուից պահանջել վճարել պատշաճ մատուցված Ծառայությունների դիմաց սույն Պայմանագրով սահմանված չափով, կարգով և ժամկետում:

2.4. Կատարողը պարտավոր է՝

- 2.4.1. Ծառայությունները մատուցել սույն Պայմանագրով սահմանված ժամկետներում, ամբողջությամբ և պատշաճ որակով, ՀՀ օրենսդրությամբ սահմանված կիրառելի նորմերի, կանոնների և ստանդարտների պահանջներին համապատասխան,
- 2.4.2. Ծառայությունները մատուցել անձամբ, սեփական ուժերով և միջոցներով: Ծառայությունների մատուցմանը Կատարողի կողմից երրորդ անձանց ներգրավելը հնարավոր է միայն Պատվիրատուի նախնական գրավոր համաձայնությամբ,
- 2.4.3. Աջակցել Պատվիրատուին Ծառայությունների մատուցման ընթացքը և որակը ստուգելիս, ինչպես նաև մատուցված Ծառայությունների արդյունքն ընդունելիս, սույն Պայմանագրի 2.1.2 կետով սահմանված կարգով Պատվիրատուի համապատասխան պահանջը ստանալուց 1 (մեկ)

- աշխատանքային օրվա ընթացքում Պատվիրատուին տրամադրել Ծառայությունների մատուցման ընթացքի և որակի վերաբերյալ Պատվիրատուին հետաքրքրող տեղեկատվությունը,
- 2.4.4. Հետևել սույն Պայմանագրի պայմանների սահմաններում Պատվիրատուի՝ սույն Պայմանագրի կատարմանը վերաբերելի ողջամիտ ցուցումներին,
- 2.4.5. Պատվիրատուի կողմից սահմանված ողջամիտ ժամկետում վերացնել մատուցված Ծառայությունների ընդունման ընթացքում հայտնաբերված թերությունները,
- 2.4.6. Հանձնման-ընդունման ակտի ստորագրման հետ մեկտեղ Պատվիրատուին տեղեկացնել Ծառայությունների արդյունքի շահագործման պահանջների և կանոնների, այդ պահանջները և կանոնները չպահպանելու հետևանքների վերաբերյալ, եթե դա կիրառելի է ելնելով Ծառայությունների բնույթից,
- 2.4.7. Պայմանագրի կատարման ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Պատվիրատուին:

3. ՊԱՅՄԱՆԱԳՐԻ ԱՐԺԵՔԸ ԵՎ ՎՃԱՐՄԱՆ ԿԱՐԳԸ

- 3.1. Սույն Պայմանագրով նախատեսված Ծառայությունների ընդհանուր արժեքը կազմում է 956 000 (ինը հարյուր հիսունվեց հազար) ՀՀ դրամ՝ ներառյալ բոլոր կիրառելի հարկերը և օգտագործվող նյութերի արժեքը, որից 200 000 (երկու հարյուր հազար) ՀՀ դրամը՝ Դիզայնի և աշխատանքի համար, իսկ 756 000 (յոթ հարյուր հիսունվեց հազար) ՀՀ դրամը՝ Կահույքի պատրաստման աշխատանքի համար՝ համաձայն սույն Պայմանագրի Հավելված 1-ով սահմանված նախահաշվի:
- 3.2. Պատվիրատուն մատուցված Ծառայությունների դիմաց վճարումն իրականացնում է յուրաքանչյուր ծառայության մասով (Դիզայնի և աշխատանք և Կահույքի պատրաստման աշխատանք) հանձնման-ընդունման ակտի և հաշիվ-ապրանքագրի երկկողմանի հաստատվելուց 30 (երեսուն) աշխատանքային օրվա ընթացքում:
- 3.3. Սույն Պայմանագրով վճարումներն իրականացվում են անկանխիկ եղանակով՝ դրամական միջոցները Կատարողի բանկային հաշվեհամարին փոխանցելու միջոցով:
- 3.4. Վճարման ամսաթիվ է համարվում Պատվիրատուի բանկային հաշվից դրամական միջոցների ելքագրման ամսաթիվը:
- 3.5. Բանկային ծախսերը Պատվիրատուի բանկում կատարում է Պատվիրատուն, իսկ Կատարողի բանկում՝ Կատարողը:

4. ԾԱՌԱՅՈՒԹՅՈՒՆՆԵՐԻ ՀԱՆՁՆՈՒՄ-ԸՆԴՈՒՆՈՒՄԸ

- 4.1. Ծառայություններից յուրաքանչյուրի մատուցման ավարտից 3 (երեք) աշխատանքային օրվա ընթացքում Կատարողը Պատվիրատուին է ներկայացնում իր կողմից հաստատված հանձնման-ընդունման ակտը և հաշիվ-ապրանքագիրը:
- 4.2. Հանձնման-ընդունման ակտը ներկայացնելու օրվանից 3 (երեք) աշխատանքային օրվա ընթացքում Պատվիրատուն Կատարողի աջակցությամբ ստուգում է մատուցված ծառայության որակը, ծավալը և առարկությունների բացակայության դեպքում հաստատում հանձնման-ընդունման ակտը և հաշիվ-ապրանքագիրը:
- 4.3. Այն դեպքում, երբ մատուցված ծառայությունում հայտնաբերվում են թերություններ, Պատվիրատուն չի ստորագրում հանձնման-ընդունման ակտը և սույն Պայմանագրի 4.2 կետում նշված ժամկետում Կատարողին գրավոր ներկայացնում է հանձնման-ընդունման ակտը չհաստատելու հիմնավորում՝ նշելով մատուցված ծառայությունում հայտնաբերված թերությունները և սահմանելով դրանց վերացման ողջամիտ ժամկետ կամ սույն Պայմանագրի 2.1.5 կետով սահմանված կարգով միակողմանի լուծում է Պայմանագիրը:
- 4.4. Այն դեպքում, եթե Պատվիրատուն սույն Պայմանագրի 4.2 կետում նշված ժամկետում չի հաստատում հանձնման-ընդունման ակտը և Կատարողին չի ներկայացնում դրա հիմնավորումը, ապա հանձնման-ընդունման ակտը համարվում է հաստատված Պատվիրատուին ներկայացնելու ամսաթիվով:

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

- 5.1. Կողմերը պատասխանատվություն են կրում սույն Պայմանագրով նախատեսված պարտավորությունների չկատարման կամ ոչ պատշաճ կատարման համար:
- 5.2. Ծառայությունները թերություններով մատուցելու յուրաքանչյուր դեպքում Պատվիրատուն իրավասու է Կատարողից գանձել տուգանք՝ սույն Պայմանագրի ընդհանուր արժեքի 0,5 (զրո ամբողջ հինգ տասնորդական) տոկոսի չափով:
- 5.3. Կատարողի կողմից Ծառայությունների մատուցման մասնավոր ժամկետների (Դիզայնեռական աշխատանք կամ Կահույքի պատրաստման աշխատանք) խախտման դեպքում, Պատվիրատուն իրավունք ունի Կատարողից գանձել տույժ՝ կետանցի յուրաքանչյուր օրվա համար Պայմանագրի ընդհանուր արժեքի 0,5 (զրո ամբողջ հինգ տասնորդական) տոկոսի չափով:
- 5.4. Սույն Պայմանագրի 5.2 և 5.3 կետերով նախատեսված տուգանքի և տույժի գումարները կարող են հաշվարկվել և հաշվանցվել Կատարողին վճարման ենթակա գումարներից:
- 5.5. Մատուցված Ծառայությունների դիմաց վճարելու Պայմանագրով սահմանված ժամկետները խախտելու դեպքում Կատարողն իրավունք ունի Պատվիրատուից գանձել տույժ՝ կետանցի յուրաքանչյուր օրվա համար Պայմանագրի ընդհանուր արժեքի 0,5 (զրո ամբողջ հինգ տասնորդական) տոկոսի չափով, բայց ոչ ավել, քան վճարման ենթակա գումարի 5 (հինգ) տոկոսը:
- 5.6. Տուժանքի վճարումը Կողմերին չի ազատում սույն Պայմանագրով ստանձնած պարտականությունների ամբողջական կատարումից, եթե այլ բան նախատեսված չէ ՀՀ օրենսդրությամբ:
- 5.7. Սույն Պայմանագրով չնախատեսված դեպքերում Կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվություն են կրում ՀՀ օրենսդրությամբ սահմանված կարգով:

6. ՖՈՐՍ-ՄԱԺՈՐ

- 6.1. Սույն Պայմանագրով պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն Պայմանագիրը կնքելուց հետո, և որը Կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, զործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն Պայմանագրով պարտավորությունների կատարումը:
- 6.2. Եթե արտակարգ ուժի ազդեցությունը շարունակվում է 1 (մեկ) ամսից ավելի, ապա Կողմերից յուրաքանչյուրն իրավունք ունի լուծելու Պայմանագիրը՝ այդ մասին նախապես տեղյակ պահելով մյուս Կողմին:

7. ԳԱՂՏՆԻՈՒԹՅՈՒՆ

- 7.1. Սույն Պայմանագրի վերաբերյալ բանակցություններին կամ Պայմանագրի պայմաններին, այդ թվում՝ արժեքին, Պայմանագրից բխող գործողություններին առնչվող ողջ տեղեկատվությունը (այդ թվում՝ փաստաթղթերը), բացառությամբ գանգվածային տեղեկատվության միջոցներում առկա տեղեկատվության (եթե այդպիսին առկա է), գաղտնի է և չի կարող տրամադրվել որևէ երրորդ կողմի, բացառությամբ մյուս Կողմի նախապես տրամադրված գրավոր համաձայնության կամ ՀՀ օրենսդրությամբ նախատեսված դեպքերի:
- 7.2. Կողմերը պարտավոր են սույն Պայմանագրի գործողության, ինչպես նաև հաջորդող 3 (երեք) տարիների ընթացքում, ապահովել համապատասխան տեղեկատվության գաղտնիությունը և պատշաճ պաշտպանությունը՝ գործադրելով առնվազն այնպիսի քանակ, ինչպիսիք կգործադրեին իրենց իսկ նման տեղեկատվության պաշտպանության համար:

8. ԵԶՐԱՓՈՎԱԿԻՉ ԴՐՈՒՅԹՆԵՐ

- 8.1. Սույն Պայմանագիրն ուժի մեջ է մտնում երկկողմանի ստորագրման պահից և գործում՝ մինչև Կողմերի համար սույն Պայմանագրով նախատեսված պարտավորությունների ամբողջական և պատշաճ կատարումը:
- 8.2. Սույն Պայմանագիրը ստորագրող Կողմերի ներկայացուցիչները սույնով հաստատում են, որ ունեն բոլոր անհրաժեշտ լիազորությունները ստորագրելու սույն Պայմանագիրը և ներկայացնելու Կողմերին Պայմանագրով նախատեսված հարաբերություններում:
- 8.3. Կողմերից որևէ մեկն իրավունք չունի սույն Պայմանագրով սահմանված իր իրավունքներն ու պարտականությունները փոխանցելու երրորդ անձի՝ առանց մյուս Կողմի գրավոր համաձայնության:
- 8.4. Պայմանագրի Կողմերի՝ երրորդ անձանց նկատմամբ պարտավորությունները՝ ներառյալ Պայմանագրի կատարման շրջանակներում Կատարողի կնքած այլ գործարքները և դրանցից բխող պարտավորությունները, դուրս են Պայմանագրի կարգավորման դաշտից և չեն կարող ազդել Պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Կատարողը:
- 8.5. Ծառայությունների մատուցման ժամկետը կարող է երկարաձգվել մինչև Պայմանագրով այդ ժամկետի լրանալը՝ Կատարողի առաջարկության առկայության դեպքում՝ պայմանով, որ Պատվիրատուի մոտ չի վերանա Ծառայությունների մատուցման արդյունքի օգտագործման պահանջը: Ընդ որում, սույն կետով սահմանված դեպքում Ծառայությունների մատուցման ժամկետը կարող է երկարաձգվել մեկ անգամ մինչև 30 (երեսուն) օրացուցային օրով, բայց ոչ ավել քան Պայմանագրով սահմանված ժամկետն է:
- 8.6. Սույն Պայմանագրի Հավելված 1-ը հանդիսանում է Պայմանագրի անբաժանելի մասը:
- 8.7. Սույն Պայմանագրի յուրաքանչյուր կետ կամ պայման իրենից ներկայացնում է առանձին և ինքնուրույն դրույթ: Եթե Պայմանագրի որևէ դրույթ դատական կարգով կամ այլ իրավասու մարմնի որոշմամբ ճանաչվի անվավեր կամ կատարման ոչ ենթակա, ապա սույն Պայմանագրի մնացած բոլոր դրույթները կպահպանեն իրենց ուժը, բացառությամբ ՀՀ օրենսդրությամբ նախատեսված դեպքերի:
- 8.8. Սույն Պայմանագրում ցանկացած փոփոխություն և լրացում վավեր է, եթե այն կատարված է գրավոր և ստորագրված՝ Կողմերի լիազոր ներկայացուցիչների կողմից:
- 8.9. Սույն Պայմանագիրը կարող է վաղաժամկետ լուծվել Պայմանագրով, ՀՀ օրենսդրությամբ նախատեսված կարգով և հիմքերով, ինչպես նաև Կողմերի փոխադարձ համաձայնությամբ: Պատվիրատուն իրավունք ունի ցանկացած պահի միակողմանիորեն լուծել սույն Պայմանագիրը՝ այդ մասին առնվազն 5 (հինգ) աշխատանքային օր առաջ ծանուցելով Կատարողին: Պատվիրատուի նախաձեռնությամբ Պայմանագրի վաղաժամկետ լուծման հետևանքները կարգավորվում են սույն Պայմանագրով և/կամ ՀՀ օրենսդրությամբ՝ կախված այդպիսի լուծման շարժառիթ հանդիսացած հանգամանքներից: Կատարողի նախաձեռնությամբ Պայմանագրի վաղաժամկետ լուծման դեպքում, Կատարողը պարտավոր է ամբողջությամբ հատուցել վաղաժամկետ լուծման հետևանքով Պատվիրատուին պատճառված վնասները՝ ներառյալ բաց թողնված օգուտը:
- 8.10. Սույն Պայմանագրի շրջանակներում Կողմերի միջև փաստաթղթերի, ծանուցումների առաքումը, տեղեկությունների փոխանակությունն իրականացվում է գրավոր կերպով՝ սույն Պայմանագրի վավերապայմաններում նշված ծանուցման հասցեներով փոստային առաքմամբ կամ առձեռն հանձնելու միջոցով, կամ Կողմերի համաձայնությամբ նախատեսված այլ եղանակներով:
- 8.11. Սույն Պայմանագրի կատարման ընթացքում Կողմերից յուրաքանչյուրի անվանման, հասցեի, վճարման կամ այլ վավերապայմանների փոփոխության դեպքում, համապատասխան Կողմը պարտավոր է այդ մասին պատշաճ կերպով գրավոր ծանուցել մյուս Կողմին՝ այդպիսի փոփոխությունից 5 (հինգ) աշխատանքային օրվա ընթացքում, հակառակ դեպքում՝ նախկինում տրամադրված վավերապայմաններով արված վճարումները, ուղարկված ծանուցումները համապատասխանաբար կհամարվեն ժամանակին կատարված կամ պատշաճ հասցեով ուղարկված:
- 8.12. Սույն Պայմանագրի առարկային վերաբերող և սույն Պայմանագրով ուղղակիորեն չկարգավորված բոլոր հարաբերությունները կարգավորվում են ՀՀ օրենսդրությամբ:

8.13. Սույն Պայմանագրի կապակցությամբ ծագած վեճերը լուծվում են բանակցությունների միջոցով: Բանակցությունների արդյունքում համաձայնություն ձեռք չբերվելու դեպքում վեճերը լուծվում են դատական կարգով:

8.14. Սույն Պայմանագիրը կազմված է հայերեն լեզվով, երկու հավասարազոր օրինակներից: Յուրաքանչյուր Կողմին տրվում է Պայմանագրի մեկական օրինակ:

ԿՈՂՄԵՐԻ ՎԱՎԵՐԱՊԱՅՄԱՆՆԵՐԸ ԵՎ ԱՏՈՐԱԳՐՈՒԹՅՈՒՆՆԵՐԸ

Պատվիրատու

**«Հայաստանի հանրային
հեռուստաընկերություն» ՓԲԸ**

Հասցե՝ ՀՀ, ք.Երևան, Գ.Հովսեփյան 26

ՀՎՀՀ՝ 01540062

«Արդշինբանկ» ՓԲԸ

Հ/Հ՝ 2470102796740000

Մարզարիտա Գրիգորյան
Գործադիր տնօրեն



Կատարող

Ա/Ձ Մեսրոպ Մադաթյան

Հասցե՝ ՀՀ, ք.Երևան, Իսակովի 32 - 10

ՀՎՀՀ՝ 74359569

«ՎՏԲ Հայաստան բանկ» ՓԲԸ

Հ/Հ՝ 16042092729700

Մեսրոպ Մադաթյան

Տնօրեն

ՊԱՀԱՆՋՎՈՂ ԿԱՀՈՒՅՔԻ ԱՆՎԱՆՈՒՄԸ, ԲՆՈՒԹՎԳԻՐԸ և ՊԱՏՐԱՍՏՄԱՆ ԱՐԺԵՔԸ

Հ/Հ	Կահույքի անվանումը և բնութագիրը	Քանակը	Արժեքը
1.	Քաղնոց - 1960x800մմ չափսերի, պաստառապատված համապատասխան կտորով /արտաքին տեսքն ու գույնը ըստ էսքիզի/	1	250000
2.	Քաղնոց - 1600x800մմ չափսերի, պաստառապատված համապատասխան կտորով /արտաքին տեսքն ու գույնը ըստ էսքիզի/	1	196000
3.	Քաղնոց - 1015x800մմ չափսերի, պաստառապատված համապատասխան կտորով /արտաքին տեսքն ու գույնը ըստ էսքիզի/	1	100000
4.	Աթոռակ - փափուկ, կլոր պուֆիկներ մետաղական կամ փայտյա ոտիկներով, ընդհանուր 440մմ բարձրությամբ, նստատեղի տրամագիծը 750մմ, պաստառապատված համապատասխան կտորով /արտաքին տեսքն ու գույնը ըստ էսքիզի/	2	150000
5.	Սեղան - կլոր երեք փայտյա ոտքերով, սեղանածածկը փայտյա նրբաթիթեղով պատված ՄԴՖ-ից, տրամագիծը 500մմ, բարձրությունը 500մմ	1	60000
Կահույքի պատրաստման արժեքը			756000

ԿՈՂՄԵՐԻ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

Պատվիրատու
«Հայաստանի հանրային հեռուստաընկերություն» ՓԲԸ
Հասցե՝ ՀՀ, ք.Երևան, Գ.Հովսեփյան 26
ՀՎՀՀ՝ 01540062
«Արդշինբանկ» ՓԲԸ
Հ/Հ՝ 2470102796740000

Մարզարիտա Գրիգորյան
Գործադիր տնօրեն



Կատարող
Ա/Ձ Մերոպ Մադաթյան
Հասցե՝ ՀՀ, ք.Երևան, Իսակովի 32 - 10
ՀՎՀՀ՝ 74359569
«ՎՏԲ Հայաստան բանկ» ՓԲԸ
Հ/Հ՝ 16042092729700

Մերոպ Մադաթյան
Տնօրեն